



Bentiarq Ottosen
Atassut

UKA 2023/132
12. oktober 2023

**Ilulissani imeqarfiup siunissami nunap qeriuannartup aakkiartuaarnerani
atuutiinnarsinnaanera qulakkeerneqarsinnaanersoq kiisalu amittorsuup tasia imeqarfissatut
periarfissatut tulluussinnaanersoq pillugu Naalakkersuisut nalunaarusioqqullugit
pequneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Aqqalu C. Jerimiassen, Atassut)

Siullermeenera

Siunissaq ungasinnerusoq eqqarsaatigalugu sanaartornikkut ineriartortitsuarnissarput pingaaruteqarluinnarpoq, ingammik inuiaqatigiinnut inuussutissarsiornikkullu pingaaruteqarpat inerisaqqinnissaanik siunnerfiit atorlugit siuarsaajuartariaqarluta.

Nunap qeriuannartup aakkiartuinnarnerani avatangiiseq eqqornerlunneqartarnera takornartaanngilaq, taamaattumik siunissamut isigisumik sumiiffiit taakkartorneqartut periarfissaasinnaaneri ujartorneqartariaqartoq isumaqarpunga.

Ilulissat inuussutissarsiornikkut ineriartorfiuvoq, tamannalu aamma ukkatarineqarnissaa pingaaruteqarluinnartuulluni. Sanaartornikkut periarfissat ineriartortinneqarput, tamatullu siunissami imermik amigaateqalersinnaanera aarlerinartumiilluni. Atassutip tapersersorpaa nutaamik imeqarfiliortoqarneratigut illoqarfik inuussutissarsiornikkut ingerlalluarfiusoq siunissami ungasinnerusumi pitsaasumik qulakkeerinneqataaffiginisaa, taamaattumik illersorneqarsinnaasumik imeqarfeqalerneq tassaavoq inuiaqatigiit akornanni pingaarutilerujussuaq.

Naalakkersuisunut kaamattuutigaarput periarfissat taakkartorneqartut taakkuupput inuiaqatigiinnut sumiiffinnilu najugaqartunut pingaaruteqarluinnartut, tamannalu anguneqassappat nalunaarusiortoqarnissaa pingaaruteqarluinnarluni. Periarfissat annikitsuinnaammata nalunaarusiornikkut periarfissat ammaasisinnaasut pilersaarusiorneqalissammata.

Taamatut naatsumik oqaaseqarluta una siunnersuut Atassummiit taperserparput.